



Будь готов/ Ямде-лий

1933 ий 1 февраль годсек лектеш.

0+



Фотом еш архив гыч налме.

Кужу жап мӧнгыштӧ шинчымеке, йоча-влак угыч школыш «визытан» отметкым налаш вашкат. Теве Кужӧнер район Тошто Йӱледӱр ял гыч Аня, Илья, Руслан **АНДРЕЕВМЫТ (снимкыште)** Шӱдымарий школыш каяш ямде улыт.

Тидын нерген Аня почеламутыштыжо возен. Тудо 5-ше классыш вонча, Илья – 4-ыш, а Руслан икымше гана парт коклашке шинчеш, икымше туныктышыж дене вашлиеш.

– Уроклаште тура шинче, йолташет-влак дене ит кутыро. Туныктышо йодышым пуа гын, вашешташ эре ямде лий, – туныктат шольшытым Аня ден Илья.

– Тыршен тунемаш тӱнгалам! – вашешта Руслан да тунамак кидшым нӧлталеш.

Сумка, книга, тетрадь-влак
Ямде улыт шукертак.
Ынде каем тунемаш,
Шинчымашым келгемдаш.
Шольым-шамыч почешем
Каяш тыршат мый денем.
Класс гыч классыш вончена,
«Визытаным» налына.
Аня АНДРЕЕВА.

Х.АЛЕКСАНДРОВА.

Шергакан тунемше ден студент-влак!
Пагалыме ача-ава ден туныктышо-шамыч!
Шинчымаш кече дене саламлем!

1 сентябрь – чонеш логалше пайрем. Парт коклашке икымше гана шичше-влак поснак тургыжланат. Тенгече гына йочасадыш коштышо лу тӱжем наре ӱдыр-рвезылан ончыкылыкыш кумда корно почылтеш. Тиде корно нимучашдыме шинчымашым пуышо, шергакан открытий-влаклан поян илышыш вӱден нангая.

Йошкар-Оласе «9-ше В» микрорайонышто илыше йоча-влаклан у тунемме ий поснак ойыртегалтыше лиеш: шукертак вучымо у школ омсажым почеш. Тений шинчымашым пуышо тӱнеж-влакын омсалондемаштым 80 тӱжем утла тунемше вонча. Шергакан тунемше-влак, тений шошым тунеммаште вучыдымо нелылык лектын быле. Пандемийлан кӧра шинчымашым шкевуя налашда перныш. Те угыч парт коклашке шинчыда, йолташда-влак дене куанен вашлийын кутыреда, а эн тӱнжӧ – туныктышыдан шокшо шӱм-чонжым, тӱткӧ шинчаончалтышыжым шижыда. Учебникым почшылада шарныза: келге шинчымашан айдемым гына волгыдо ончыкылык вуча.

У тунемме ий тӱнгалме дене саламлем! Усталык пашаште лектышым, олимпиадылаште, конкурслаште, спорт тагасымашлаште сенымашым, пенгыде тазалыкым тыланем!

**Марий Эл Республикым
Буйлатыше
А.А.ЕВСТИФЕЕВ.**



Күслезым шарныме лүмеш

25 августышто Йошкар-Оласе Советский уремште верланыше 151-ше номеран пöрт пырдыжеш тале күслезе, Марий Эл Республикысе сымыктышын сулло деятельже А.Р.Сидушкиналан шарнымаш онам почыныт. Анна Романовна 1946 ийыште Москосо консерваторийым тунем пытарен. Тудо марий ұдырамаш-влак кокла гыч кўшыл шинчымашым икымше налын. Марий Эл Республикым Вуйлатышын

икымше алмаштышыже М.З.Васютин, Республикын тўвыра, печать да калык-влакын пашашт шотышто министрже К.А.Иванов, күслезын тукум шўжарже-влак да Анна Романовнан творчествыжым аклыше-шамыч поро мутым ойленйт.

Е.ИВАНОВА.

Электротулым аныклыза

#Вместеярче всероссийский фестиваль годым увертарыме «Энергосбережение – детский взгляд» республикысе сўрет конкурс иктешлалтын. Тудо электротулым аныклымаш да экологийым саемдымаш дене кылдалтын.

Конкурсыш 40 ұдыр-рвезе ушнен. Жюри эн сай куд пашам ойырен: Валерия Пакалина (Звенигово, 2-шо номеран Красногорский школ), Таня Зыкова (Йошкар-Ола, А.С.Пушкин лүмеш 4-ше номеран гимназий), Кристина Иванова, Маша Наговицына (Звенигово, Шолэнгер посёлкысо «Родничок» йочасад), Валерия Казаринова (Йошкар-Ола, Семёновка), Настя Ерошова (Волжск ола, «Каскад» ешартыш шинчымашым пубышо рўдер).

Х.АЛЕКСАНДРОВА ямдылен.



В.ПАКАЛИНАН сўретше.

Акций

Элыштына Россий кугыжаныш тистын кечыжлан пöкклалтше ятыр акций эртаралтын. Ме йолташем-влак Алексей Кечаев, Ксюша Сидорова дене «Это флаг наш дорогой, наш любимый и родной» акцийыш ушненна.

Костя ИВАНОВ.

1-ше номеран Шернур школ.

Сенымаш

«Орлёнок»

всероссийский йоча рўдеште «Бумеранг» йоча да самырык-влаклан экранысе творчестве всероссийский форум латвизымше гана эртаралтын. Конкурсышко 347 медиапаша пурен. Йошкар-Оласе «ЗУМ» йоча киностудийын документальный 2 фильмже: «Человек добрых дел» да «Когда началась война» – сенгышыш лектын.

27 август гыч 3 сентябрь марте «Марий куштымаш арня» акций эртаралтеш. Тушко ушнаш манын, Марий Эл Радиосо «Куштена» рубрикысе муро почеш куштыман да видеош вуйзыман. Тудым «ВКонтакте» соцкылысе лаштыкышкыда #НеделяМарийскогоТанца #Тывырдык #МарийЭлРадио хэштегла дене верандыман.

Историйым шергалына

1944 ий 29 августышто Яско-Кишинёв операций мучашлалтын. Совет войска операций годым Молдавийым фашист тїшка деч утарен, а Румыний Германияш ваштареш кредалаш тїжалын.

1757 ий 30 августышто Тросс-Егерсдорф воктене кредалмаште Степан Фёдорович Апраксинын вуйлатыме руш войска прусский армийым сенен.

Тений Пеледыш пайрем 1 октябрыште лиеш. Ныл мероприятий онлайн-формат дене эртаралтеш. Тыгак икмыняр программе очно лиеш. Пайрем нерген тўрыс уверым Республикысе марий тўвыра рўдрын сайтыштыже ончен кертыда.

Таче Йошкар-Олаште да районлаште «Кино йўд» акций эртаралтеш. Кастене да йўдым, оксам тўлыде, «Холоп» комедийым, «Лёд-2» спорт мелодрамым, «Иван Царевич ден Сур Пире-4» анимаций фильмым ончаш лиеш. Сеанс-влак 8 шагат кастене тўналыт.

9-11-ше класслаште тунемше-влак, математике дене «Я Решаю!» VII тўнямбал конкурсышко ушныза. Тудо 7 сентябрыште тўналеш. 11-ше классыште тунемше да сенгышыш лекше-влак ончыкыжым технический специальность дене вузышко тунемаш пурат гын, идалык мучко именной стипендийым налаш тўналыт.

2

«Ямде лий» 2020 ий 29 август

У тунемме ий дене!

Сайын тунем!



Изи чонемже куанен
тӱршталтыш,
Мый школыш таче
угычын каем.
Кидем эрденак
портфелем руалтыш,
Йодем чымалте, парт коклаш вашкен.
Уэш налам мый кидышке тетрадым,
Чаткан возем тушакын мый лӱмем.
Тунемын кодынем ушеш у палым,
Садлан тыршемс тунемаш кыртмен.
Ончале школ окнашке шыже кече,
Йоча кашакым угыч шыматен.
Каласыш: «Сайын тунем тый, ит ӧркәне,
Тунам темеш пиал ден илышет!»

Анжела МИХАЙЛОВА,
«Кенез сылнымутчо-2020»
семинарын участникше.
Волжский район.



Марий Элыште у тунемме ий тӱналме вашеш оперативный штабын заседанийже эртаралтын. Марий Эл Республикын образований да науко министрже Н.В.АДАМОВА ойлен: «1 сентябрьыште кугу линейкым огына эрtare. Икымше классыш кайыше тунемше-влак школышко тунуктышышт дене пырля торжественно пурат».

Министрын ойжо почеш, санитарно-эпидемиологический правил-влакын йодмашыштым шуктен, у тунемме ий тӱналме вашеш школлашке термометрым да моло арвер-влакым налме.

Марий Эл Республикым Вуйлатыше А.А.Евстифеев сайлымаш кампаний деч кодшо 500 наре термометрым школ-влаклан пуэдаш кӱштен.

Икымше тунуктышо

Икымше гана школыш кайышем моткоч сайын шарнем. Авам ӱпышкем кок бантым пижыктен. Ачам тупышкем портфельым чиктен. Кидышкем чевер пеледыш аршашым кучыктеныт. Мый чон вургыжын школыш вашкенам. Тунам авам ойлен: «Ӱдырем, ит лӱд, тушто тыйым тунуктышет вашлиеш. Тудо тыйын кокымшо ават». Икымше тунуктышем Лиана Валерьевна Камалиева кидем гыч кучен да парт коклашке шынден.

Ксюша АХМАДИШИНА.
Пошкырт, Мишкан, Ардаш.



Салам,
школ!

У вашталтыш

Российысе просвещений министрстве ден Роспотребнадзор у тунемме ийыште тыгай йодмаш-влакым темлат:

- школышко пурымо годым кажне кечын тунемшын температуржым висаш; тыгодем омса воктене тӱшкан погынаш ок лий. Сандене школышко тӱрлӱ велым пураш йӧным ышташ;
- дезинфекционный режимым вияндаш;
- кажне класслан посна кабинетым пентгыдемдаш (тӱрлӱ оборудований дене урокым эртарыме годым вес классыш каяш лиеш);
- тӱрлӱ классым ушен, тӱшка мероприяти-йым эртарымым чараш;
- классыште ик йочалан нормо почеш шотлымаште 2,5 кв.м кумдык лийшаш; тунемше-влакым парт коклашке иктын-иктын шындаш ок кӱл;
- эпидемиологический ситуаций начаремеш гын, дистанционный формыш тунемаш кушнаш ямде лияш;
- кочмыверлаште тыршыше пашаен, медпашаен, арулыкым эскерыше-влак маскан да перчаткан лийшаш улыт. 1 сентябрь гыч тунуктышо-влаклан маскым чийыме шотышто нимогай пунчал уке.

Куанен вашкем

Мыланем школышто тунемаш моткоч келша. Школна мотор, шокшо, чапле спортзал уло. Тунуктышо-влак поро кумылан улыт, келге шинчымашым пуат. Тыштак авам ден ачам, изам дене акам тунемыныт, ынде шӱжарем дене коктын коштына. Школ кокымшо суртла чучеш, тушко эре кайышем шуэш.

Полина ПЕТУХОВА.
У Торъял, Кузнеч.

Тений икымше урок Кугу Ачамланде сарыште Сенымашлан 75 ий теммылан пӧлеклалтеш.

Увер

1 сентябрьыште Российысе просвещений министрстве Кугу Ачамланде сарыште Сенымашлан 75 ий теммылан пӧлеклалтше «Помнить – значит знать» всероссийский почмо урокым эрtare.

Тудым
<https://vk.com/minprosnet> лаштыкыште ончаш лиеш.

Неле йодыш таратен

Йошкар-Оласе «Роза ветров» йоча да самырык-влак рүдер Кугу Ачамланде сарыште Сенгымашлан 75 ий да



Марий Эллан 100 ий теммылан пöлеклалтше «Край родной марийский» республикысе шымлыме паша конкурсым эртарен. Кужэгер район Конганур школын тунемшыже Анастасия Петухова «Моя землячка – народная революционерка» шымлыме пашажым (вуйлатыше – марий йылмым да литературым туныктшыю Г.С.Тобекова) аклымашке луктын. «Летопись родных мест»

тагасыште икымше верым сенен налын.

– Школнан «Чумбылат» командыже «Мунло» уш-акыл марафонышко кажне ийын ушна. Тений икымше верым сенен налын, – ойла Настя (снимкыште). – «Кужэгер район Тумньымучаш села гыч калык революционерке лийын?» йодыш тений эн нелылан шотлалтын. Ты йодышак мыйым шымлыме пашам эртараш кумылан ден.

Настя пален налын:

- Кужэгер район Тумньымучаш села гыч калык революционерке – Анна Васильевна Якимова.
- Тудо 1856 ийыште шочын.
- 1867 ий гыч Вяткыште епархиальный училищыште тунемын. Школышто пашам ыштен.
- 1875 ийыште А.Якимовам арестоватленыт.
- «Народная воля» революционный толкынын енге лийын.
- 1883 ийыште Сибирьыш каторгыш колтеныт. 1904 ийыште тушеч куржын.
- Икымше руш революцийыште участвоватлен. Тудым, 1905 ийыште кучен, уэш Сибирьыш колтеныт.
- Октябрь революций деч вара Москваште илен, «Каторга и ссылка» журналым лукмаште тыршен.
- 1941 ийыште Москва гыч Новосибирскыш эвакуироватлалтын.
- 1942 ийыште ўмыржö кўрылтын.



Л.ГРИГОРЬЕВА.

Фотом школ архив гыч налме.

Тумер

Мый Кугу Шале ялыште илем. Ялыштына тумер уло. Тушто изи янлык-влак илат. Кайык-влакат тумерым йöратат. Пыжашым опат, игым луктыт, сылне мурым муралтат. Пеледыш-влак тумерлан мотор тўсым пуат.

Настя СЕРГЕЕВА.

Морко район.

Марий Эл –

шочмо вер!

Тый улат мылам эн шерге.

Йöратем да пагалем,

Пеленет эре лийнем.

Ирина УРАЗАЕВА.

Морко, Шўргыял.



Онапу



Олмога



Омаш



Ор



Олто

Оржа



Ойдар –
пырням
шупшык-
тымо кужорва.

Ойзи – моктанчык.

Ойзо – мутланаш йöратыше.

Олмедаш – шкалан верым ышташ.

Олпот – господин.

Омбо – шўвырон.

Омыта – имньым кычкыме арвер.

Онаш – пöрдыкташ.

Онью – марийын але ватын ачаже.

Ормыж – йöрдымö.

Осо – мелнан ик нылымше ужашыже.


Öлтö – нумалтыш.

Öр – тайыл.

Öршма – аралыше.

Ик **осо** мелнам пурлят, Микале кудывечыш лекте. Имньым кычкыме ўзгарже-влакым тергыш, **омытам** төрлыш. Таче пырнялан чодыраш кайынеже, сандене **ойдарым** тергыш. Тыгутлаште **оньыжо** толын шуо. Микалылан тудын **ойзи** койышыжо ок келше. Такшым **оньыжо ойзо** кумылан. **Öршмалан** пелештен, корныш тарванышт. Ожнысо **орым** эртышт, **öрым** воленкўзышт, палемдыме олмыш миен шуыч.

Автор-влак:
Л.НИКОЛАЕВА,
Ф.ЛЕБЕДЕВА.



Шуарсола гыч

Марий поэт, прозаик, критик Анатолий Айзенворт (Анатолий Карпович Деревяшкин) 1910 ий 21 февральыште Яран уезд Ернур волостьысо Шуарсола ялеш туньктышо ешыште шочын. Тудын илышыж гыч икмыняр йыжырым ончыктена.

✓ А.Айзенворт 1926 ийыште возаш тўналын. Ончыч рушла возен, вара тўрысnek марий литературыш куснен, вет марий йылмым сайын пален. 30-шо ийлаште ялысе илыш, калык нерген шуко ойлымашым возен: «Илыш мура», «Пиал» да молат. «Вич полмезе» повестьшым йоча-влак йоратен лудыныт. 5-ше, 6-шо, 7-ше класслаште тунемше-влаклан «Лудшаш книга» ямдылен да 1939 ийыште савыктен луктын.

✓ Айзенворт шуко произведенийым руш йылме гыч марлаш, марий йылме гыч рушлаш кусарен. А.М.Горькийын «Мещане» пьесыже, А.Чехов ден Л.Толстойын ойлымашышт, К.Чуковскийын йомакше-влак дене палдарен. Руш йылмышке М.Шкетанын «Эренер» романжым, С.Чавайнын «Октябрь» поэмыжым, Ш.Осыпын, О.Ипайын, Г.Ефрушын, В.Рожкинын возымыштым кусарен.

✓ А.Айзенворт – 1939 ий гыч совет писатель-влак ушемдын енже.

«Айзенворт» псевдоним кушеч лектын? Писатель ик статьяште тыге умылтарен:
«Псевдонимым налмаште Н.С.Мухин титакан. Тудо мыланем Айзенворттым пуэн. Немыч йылмыште «айзен» – кўртньо, «ворт» – мут. «Айзенворт» кўртньо мут лиеш».

✓ 1943 ий тўналтыште Сталинград олам аралымаште нелын сусырген да вуйжым пыштен.

Г.В.ВАСИНА, туньктышо. Советский, Шуарсола.

Шола гыч пурлашке:

1. Туньктышо да поэт. 3. Совет Ушем Герой. 5. МАО-м ыштымаште тыршен. 6. Марий муро-влакым хорлан кельштарен. 9. «Марла календары» луктын. 13. Икымше марий гимнын авторжо. 15. Тале журналист. 16. Курыкмари педтехникумышто туньктен. 17. МарНИИ-н икымше директоржо.

Кўшыч ўлыкō: 2. Партизан бригаде дене вуйлатен. 4. Туньктышо, поэт. 6. Марий ревком вуйлатыше. 7. Совет Ушем Герой. 8. Тале лётчик, Совет Ушем Герой. 10. Шернур педтехникум вуйлатыше.

11. Партизан-влак деке ятыр гана чонештылын.

12. Рейхстагыш пурымо омса ўмбалам йошкар тистым сакен. 14. «Материалы по истории народа мари» книга авторжо.

В.СМИРНОВ ямдылен.



Алёша БУЛЫГИНЫН сўретше. Советский, Ўрша.

Адиятуллин ыштен. Мурылан мутым Марий Элын калык артистше Вячеслав Созонов возен. Шкежаж мура. Семым эргыже, Э.Сагаев лўмеш Марий кугыжаныш опер да балет академический театрын дирижёржо Григорий Архипов, кельштарен.

Клипым Йошкар-Олаште да Волжск кундемыште войзымо.

Тичмаш текстым https://vk.com/yamde_lii тўшкаште лудса.

Марий Элын 100 ияш лўмгечыжлан пōлеклалтыше «Черемис» видеоклипым войзеныт. Сценарийын авторжо, художник-постановщик – Иван Богомолов, режиссёр, оператор да монтажёр – Роман Сазанов, аранжировка – Александр Куприяновын. Аэросьёмкым Борис

«Черемис» мут сарзе айдемым ончыкта.

Чеве́рын, ке́неж!

Пайдале каныш

Кенеж канышыште жапемым пайдалын эртарем. Кенеж гоч күтүм күтем. Шукерте огыл фотоаппаратым налынам. Яра жапыште пүртүсыш лектын коштам, түрлө фотосүретым войзем. Кызыт, Интернет йөн дене пайдаланен, профессиональный кадр-влакым ышташ курсым эртем.

Дима ВЕДЕНЬКИН.
1-ше номеран Шернур школ.

Йошкар емыжым коч

Калыкыште ойлат: «Кумылет уке гын, йошкар тусан емыжым коч». Ик могырым, йошкар саска аппетитым кугемда. А вес могырым, айдеме шижеш: чеве́р тусан емыж витаминлан поян. Эныж, йошкаршоптыр, снеге, кугымөр, изимөр, пöчыж, турнявöчыж, мызымөр... Кундемыштына могай гына йошкар емыж огеш куш! Кажныже витаминлан поян. Турнявöчыж ден пöчыжым налаш гын, нуңо шинчалан кугу пайдам кондат, кокыртышым сенаш полшат, температурым волтат.

Аня ВИНОГорова.
Звенигово, 2-шо номеран Красногорский школ.

Ялыште

коча-кова-мын суртышт пелен пакча уло. Тушто мо гына огеш куш: шемэныж, пуншоптыр, сливе, кугымөр, снеге, грушо, олма. Кок теплице уло. Иктыштыже помидор кушкеш, весыштыже – кияр ден шере пурыс. Кияр тений пеш шуко. Ковам эре ойла: «Киярым кече коден погаш күлеш. Кажне кечын леве вüдым шавыман». Телылан киярым шинчалтена, түрлө салатым ямдылена. «Ялыште илет гын, чылалан тунемат, уныкам», – манеш ковай.

Кияр шуко



Аня ЯМИДАНОВА.

Советский посёлко.

Акростих

Шоптыр

Шоптырым мый погышым,
Ошым, шемым да йошкаргым.
Пеш тутло кочкышым
Тудын ден авам ыштен.
Ынде вареньым ямдым
Рүжге ме кочкына.

Оля СТЕПАНОВА.
Морко, Шап Унчо.

Чине сүрет-
влакым мо уша?



Вич олмапу

Ковамын пакчаштыже вич түрлө олмапу кушкеш. Иктыжым авам школыш коштмыж годымак шынден.

Ой, олмапу, олмапу,
Олмат шуко, иктым пу!
Тамлен ончем саскатым,
Чеве́р тамле олматым.
Йüышетат тамле пеш,
Компот олма гыч сай лишеш,
Вареньым тамлым шолтена,
Телылан ямдылалтына.

Максим КИНДУЛКИН.
Национальный президент
школ-интернат.

Мый ачам-авам дене пырля Шем теңыз воктек канаш миенам. Тушечын мотор ракывот-влакым шуко конденам. Аваем дене коктын мотор сүретым ыштышна. Тиде сүрет йочасаднам сöрастара.

Юля ПОПОВА.
Медведево, У Арбан.

Трай

Тра-та-та, тра-та-та...
Трай пеш писын чонешта.
Канде каваш күзалеш,
Йочан кумылжым нöлталеш...
Тра-та-та, тра-та-та...

Дима МАКАРОВ.
Шернур, Марий Кугунур.



Коронавирус деч аралалтса!



Черле ең дене пырля лияш ыда тырше.



Маскым чийыза.



Киддам шовын дене мушса.



Сайын малыза.



Пӧлемыш чӱчкыдын яндар южым пуртыза.



Спорт дене кылым кучыза.



Понгым погымом жап

Игече шыже могогырыш каен. Кечывалым шокшо, кастане юалге. Йӱрат чӱчкыдын лиеда. Понгылан пеш келшыше пагыт. Мый ик эрдене кожерыш ошкедышым. А туштыжо! Понгыжо мыйымак вучен улмаш. Тыманмеш корзингамым темышым. Мӧнгышкӧ пеш куаныше толым. Вес кечынат погаш каяш ямде улам!

Катя НИКОЛАЕВА.

Советский, Люперсола.

*Петр Первый
Российыште
икымше школым
почын. Тлушто
привезе-влак веле
тунемыныт.*

**1 сентябрь –
Шинчымаш кече.**



*Трек йылме
гыч кусараш
гыч, школ
«каныш» меш.*

Сӱретым чиялтыза.

Индекс: П4696.
Тираж 900 экз. Заказ
Формат – А-4-8.
Тӱг редактор
Л.В.СЕМЕНОВА

https://vk.com/yamde_lii
<https://ok.ru/yamdelii>

E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше:
yamdelii.pf

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашашт шотышто министерстве, «Ямде лий» газет» кугыжаныш унитарный казна предприятий.

Газетым редакцийыште погымом да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наслединым аралымаште законодательствым шуктен шогымым эскерыше Федеральный службыв Приволжский федеральный округысо управленийыштыже регистрироватлыме.

Номер – ПИ №ФС 18-1999,
2005 ий 10 февральыште пуымо.

0+

Печатьыш пуымо жап –
14-00,
фактически – 13-00

Авторын да редакцийын шонымашышт тӱрлӧ лийын кертыт. Серыш-влак мӧнгеш огыт колталт.
Ак – кутырен келшыме почеш.

Редакцийын да издательын адресше:
424006, Йошкар-Ола, СССР Вооруженный Вийын 70-ше идалыкше урем, 20-шо пӧрт.
Тел. 8(8362) 45-22-82(факс)

Изи чывиге

Чынак, пӱртӱсышты могай гына онгайым от уж. Ик кечын авам шӱрлан паренгым кӱнчаш лекте. Мыят пырля шӱдырнышым. Авам кӱнча, мый, рокым почкалтен, паренгым ведраш оптем. Кидышкем онгай паренге вереште: тудо вуян да изи неран – чылт изи чывиге гай коеш. Паренгым посна мушкым, коштышым да фотош войзалташ кумылангым. Вараш кодаш огыл ыле, шонем: тиде паренгыжымат авам шӱрыш пышта.

Костя ШЕХУРДИН.

Шернур, Кукнур Купсола.



Фотомы еш, автор: Гыч Калык

Пакчасаскам ме погена
Да модышым пеш ыштена.
Эрай лӱман агытан –
Кызыт мыланна куан.

Н.ГОДУНОВА.

Василиса ЕРШОВА ден
аваже ыштеныт.

Йошкар-Ола,
80-ше номеран йочасад.



ВОКАЛЬНАЯ СТУДИЯ
РЕКЛАМЕ.
МАJOR VOCAL STUDIO
ДЛЯ ДЕТЕЙ И ВЗРОСЛЫХ
ПОСТАНОВКА НОМЕРОВ ДЛЯ ВАШЕГО ПРАЗДНИКА
АКТЕРСКОЕ МАСТЕРСТВО
ЗАПИСЬ ПЕСЕН В СТУДИИ
ИНДИВИДУАЛЬНЫЕ ЗАНЯТИЯ ВОКАЛОМ
ЗАНЯТИЯ В АНСАМБЛЕ ДО 5 ЧЕЛОВЕК (ДЕТИ)
ПРИХОДИТЕ ПЕТЬ
С 9:00 ДО 21:00
8 (9077) 34-33-69
MAJOR.VOCAL.STUDIO

«Ямде лий» 2020 ий 29 август





**Пүртүс
ЛОПТАШТЕ**

Ульяна КОРШУНОВА.
Йошкар-Ола.



Конкурс

Яков СТОЛЯРОВ.
Козьмодемьянск ола.



Анна ТОКТАРОВА.
Шернур, Памашсола.

Лүдмаш уке

Мый шканем ойлем,
йолташ-влак:
– Лүдмаш уке нигунам.
Кеч диктант, экзамен лийышт,
Шкем кучем ласкан гына.
Тыланда ойлем, йолташ-влак:
– Ида лүд те нигунам.
Тек контрольный неле лийже,
Ыштена кузе-гынат.
Н.ИЛЬИНА.
Волжский, Карай.

Чодыресе кайык-влакым лүмышт дене кельштарыза.



Математике кроссворд

1	+		=	4	5				
			-		+				
7			=	2					
-			=		=				
			+	8	=				
=		-		-					
4	+		=	5	4 -		=	0	
			=		=			+	
		2	+		=			=	
			+						
3	+		=		9	-		=	8
+			=						
			=		9	-		=	6
=									
5									

Метаграмме

- ★ **клоШ** → ? Буква-влакым
- ★ **ошыТыкунт** → ? верышт
- ★ **Прат** → ? дене ваш-
- ★ **саДко** → ? талтен,
- ★ **бУкенчи** → ? мутым
- ★ **Кинга** → ? ыштыза.



«Ямде лий» 2020 ий 29 август



Страуслан корным муаш полшыза.

Ял, села да посёлко-влакын могай район гыч улмыштым палыза.

Судоку



Интернетесе сүрет-влакым кучылтмо.